



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno 361. Usque Ad Annum 395

**Fleury, Claude**

**August. Vind. [u.a.], 1758**

**VD18 90117786**

§. 59. S. Martinus cum Ithacianis communicat.

---

[urn:nbn:de:hbz:466:1-66032](https://nbn-resolving.org/urn:nbn:de:hbz:466:1-66032)

Sæculum IV. libertate uti non expediebat; quippe in  
A. C. 387. aulam advenerat liberandis captivis, exu-  
 libus revocandis, bonorum suorum usu  
 privatis, quæ fisco adscripta fuerant, gra-  
 tiam impetraturus. Imperatricis mag-  
 nam fidem mirabatur; concedere hoc  
 poterat; quin maledicentiæ pateret, ut-  
 pote vir tunc temporis annum ætatis  
 septuagesimum agens. Imperatrix qui-  
 dem non simul cibos capienti assedit, sa-  
 tis ei fuit, famulæ vices subire. Ipsa  
 sellam admovit, mensam instruxit, aquam  
 manus lavanti affudit, cibos, manibus  
 suis coctos, apposuit. Martino mandu-  
 cante, remotius stabat, immota, mode-  
 stia ancillæ speciem præbens. Potum  
 quoque propinavit, & post parcissimam  
 refectioem, panis ejus reliquias, & mi-  
 nimas etiam micas sollicitè asservavit.

## §. LIX.

*S. Martinus cum Ithacianis commu-  
nicat.*

*Sev. Sulp. Dialog. 3. n. 15.* Sanctus Martinus, sicut & S. Ambrosius,  
 cum Ithacio non communicabat, nec  
 cum Episcopis, qui cum illo communi-  
 cantes, eodem se odio oneraverant. Hos  
 Episcopos Maximus tuebatur, ejusque  
 auctoritas oberat, ne quis eos condemna-  
 re auderet; unicus Episcopus, nomine  
 Theognostus, publice contra eos senten-  
 tiam pronuntiavit. Cum iidem Episco-  
 pi



pi Ithaciani Treviris essent congregati, Sæculum IV.  
A. C. 387.  
 Episcopum electuri, ab Imperatore obti-  
 nuerunt, ut Tribunos cum summa pote-  
 state in Hispaniam mitteret, qui in hære-  
 ticos inquirerent, eisque & bona, & vi-  
 tam adimerent. Nemo sane dubitabat,  
 multos Catholicos in hac persecutione  
 involvendos, quippe illa tempestate hæ-  
 retici judicabantur ex conspectu, ex pal-  
 lore vultus, ex vestitu potius, quam ex  
 accurato fidei examine. Impetrato hoc  
 mandato, die altera comperiunt, quod  
 omnino non expectassent, S. Martinum  
 Treviros propediem adventurum. Sæ-  
 pius vir Sanctus urgente charitate proxi-  
 mi illuc profectus est. Hujus viri ad-  
 ventu illi Episcopi vehementer turbati,  
 quod scirent, ea, quæ modo fecissent, ipsi  
 minime probari. Ad capiendum in re  
 subita consilium cum ipso Imperatore  
 coierunt, ubi decretum, ut aulici S. Mar-  
 tino obviam mitterentur, qui jussu Impe-  
 ratoris prohiberent, latum unguem pro-  
 prius ad urbem progredi, nisi prius pro-  
 mitteret, se Episcopis ibi præsentibus pa-  
 cem daturum. Hæc dicentes S. Marti-  
 nus solerter elusit, respondens, se cum  
 Jesu Christi pace venturum.

Noctu urbem ingressus, in Ecclesiam  
 se contulit, ut oraret; altera die ad Re-  
 giam ivit. Publica adventus sui causa  
 erat, ut pro Comite Narsete, & Præfecto  
 Leuca-



Sæculum IV. Leucadio, qui Gratiani partibus devoti,  
 A. C. 387. Maximi iracundiam provocaverant, vitæ

S. Martinus. gratiam supplex peteret; id vero maxime viro Sancto cordi erat, efficere, ne Tribuni in Hispaniam mitterentur, vitæ, necisque arbitri; atque sincerissima ejus charitas non modo Catholicis timebat, hac occasione periclitaturis, sed hæreticis etiam, quibus vitam conservare aebat. Supplicantem Imperator expectatione suspendit; sive ut ipsa mora gratiæ, quæ petebatur, pretium accederet, sive quia inimicis suis ignoscere grave erat, aut avaritia, qua bonis damnatorum inhiabat, retinebatur. Interim Episcopi, cum S. Martinus eorum Communionem abstineret, Imperatorem ad eunt, dicentes, actum de sua auctoritate, si Theognosti obstinatio Martini, viri in opinione Fidelium potentissimi, suffragio fulciretur. Hunc virum ab urbis ingressu fuisse arcendum; nihil profuturum, quod Priscillianus fuisset occisus, si Martinus, id injuria factum, populis persuaderet. Denique prostrati ad Cæsaris pedes obtestabantur, ut Martini conatus sua potentia reprimeret.

Quamvis Maximus in hos Episcopos esset propensissimus, tamen Martino, celebratæ Sanctitatis viro, vim inferre noluit. Secreto ad se vocatum, leniter affatus memorat, hæreticos ad mortem damna-



damnatos iusta Iudicum sententia magis, Sæculum IV.  
A.C. 387. quam Episcoporum persecutione; non esse causam, cur Ithacium, & socios ejus a sua Communionem excluderet; solum Theognostum, non ratione sed odio impulsus, se ab iis separasse; in Concilio, paucos ante dies acto, Ithacium innocentem fuisse declaratum. Cum S. Martinus his omnibus non moveretur, iratus Imperator, eo relicto, illico Ministros misit, qui illos interficerent, quibus ut vitam impetraret, Martinus supplex aderat. Hæc viro Sancto ingruentibus jam noctis tenebris non nemo nuntiavit; tunc vero ad Regiam properat, cum illis Episcopis se communicaturum promittit, si damnatis venia concedatur, atque Tribuni, in Hispaniam missi, redire juberentur. Statim Maximus in omnia, quæ petebat, consensit.

Dies altera ordinationi Episcopi Felicis ab Ithacianis erat destinata; hac igitur S. Martinus cum eis communicavit, satius esse ratus, si ad breve tempus flecteretur, quam carnificis gladium a miserorum jugulis, cum posset, non removeret. Quamvis autem Episcopi omnem conatum impenderent, ut his actis in communionis signum subscriberet, id obtinere non potuerunt. Sequenti die celeriter Treviris egressus, per viam lamentabatur, quod vel una die impiorum commu-



Sæculum IV. communioni interfuisset. In oppido,  
A. C. 387. quod tunc Andethauna, hodie Echterna-  
 cum dicitur in Ducatu Luceburgensi,  
 duobus milliariis Treviris distito, paulis-  
 per in Sylvis moratus, socios præcedere  
 sinebat. Ibi culpam, quam ipsi conscien-  
 tia objiciebat, perpendenti, apparuit An-  
 gelus, dicens: *justa est tibi penitentia*  
*causa, sed alia via non patuit, qua te pec-*  
*candi periculo expedires. Resume ani-*  
*imum, ne tua salute pericliteris!* Exinde  
 illius factionis communionem sollicite  
 semper vitavit, & sedecim, quibus super-  
 vixit, annis, nulli Concilio interfuit, om-  
 nes Episcoporum conventus fugiens. Hæc ita S. Severus Sulpitius narrat, &  
 subjungit: *Cæterum, cum minorem Dei*  
*gratiam sibi adesse sentiret, quam antea,*  
*& difficilius Energumenos liberari, sa-*  
*pientius cum lacrymis nobis fatebatur, expe-*  
*riri se, minus in Dæmones posse, ob illius*  
*communicationis infelicem culpam, quam*  
*brevissimo tempore invitus admisisset.* Fe-  
 lix, qui illa occasione ordinatus est, Epis-  
 copus Trevirensis, magnorum merito-  
 rum vir, & inter Sanctos relatus,  
 Mart. fuisse creditur.

